


永平府志



永平府志卷之五

萊陽宋琬撰次

宜興路

遊叅校

廣寧常文魁續補

里市

十戶為甲十甲為里天下之通制也 京東州縣則


有社有屯土著曰社遷發曰屯起于永樂之初因地

多荒蕪召南方殷實戶與土人相錯而居遂以名焉

屯社有多寡州縣之大小賦役之繁簡因之自近日

圉撥之後而法又一變今存舊志以見經野之制至

于日中為市各郡所同而在永平則百家之聚今不



承平府志 卷之三
盈十垣甃傾頽鷄犬寥落以視曩時海陸交輸百貨
駢集邈若黃虞之代矣十年生聚還定勞來能無望
於司土之君子哉

盧龍縣 民社七曰城社其南二里曰鳳頭鄉西南十五
里曰南堂北五里曰臺上十五里曰大河南東北三十里
曰周王莊西北二十里曰北赤峰 屯四西北十五里曰
豐隆東北二十里曰豐潤東南二十里曰豐稔東十五里
曰豐成

遷安縣

民社十四曰城社北十五里曰黃北東北四十

里曰望都西北二十里曰北平南六十里曰長嶺七十里
曰太平東南十五里曰陶村西南二十里曰瓜村西二十
里曰嵐山五十里曰貫頭山七十五里曰夾河百二十里
曰林河一百八十里曰林河二百六十里曰林河三里屯
三東三十里曰嘉祥南八十里曰豐膳西北九十里曰豐
廩

撫寧縣 民社十二曰城社其南十五里亦曰城社二十
五里曰洋河二十里曰張家莊北七十里曰宣北一十五
里曰宣北二東十五里曰萬家莊百里曰回安東北二十

里曰宣南九十里曰海洋西北四十里曰良仁莊五十里
曰山西 屯五北十二里曰富寶二十里曰富饒三十里
曰興福西北十五里曰歌歡西五十里曰慶福

昌黎縣 民社十六曰城社其東二十里曰兩山西二十

里曰葛家一曰葛家二三十里曰安峰三十五里曰劉平

五十里曰靜安六十里曰石門曰順德南三十里曰團林

一二十里曰團林二五十里曰槐套六十里曰赤崖八十

里曰沙程西南三十里曰洋山六十里曰會東 屯十一

西十里曰興寧二十里曰嘉穎二十里曰永受三十里曰

正業四十里曰延昌五十里曰安和六十里曰歸厚西南

三十里曰禧福六十里曰興善西北四十里曰宜春南四

十里曰康樂

灤州 民社四十一曰城社其東三十里曰長港西二十

五里曰何家寨四十里曰黃家疇六十里曰孩古九十里

曰義豐百二十里曰松梁南五里曰周南十里曰法寶二

十五里曰干寧三十五里曰李家莊五十里曰土屋兒六

十里曰連清曰儕城百二十里曰栢家一曰栢家二曰栢

家三北十五里曰橫山營東南二十里曰催官一曰催官

二西南二十里曰古馬六十里曰榆子林七十里曰赤堠
曰花港曰王塚坨一曰王塚坨二八十里曰北柳河曰狗
兒莊曰司家一曰司家二九十里曰獨莫一曰獨莫二百
里曰康家莊百十里曰姚家莊百二十里曰橋頭曰長春
曰曹家西北五十里曰宜安八十里曰偏山九十里曰梅
相一曰梅相二 屯二十六南九里曰興利十八里曰長
樂二十里曰普利四十里曰富聚五十里曰風淳六十里
曰崇本西二十里曰高平二十五里曰豐野三十里曰長
慶四十里曰平原五十里曰廣布曰廣益七十里曰嘉祐
東南二十五里曰務本西南三十里曰惇本三十五里曰
富莊三十五里曰嘉真四十里曰豐腴五十里曰永登八
十里曰崇道百里曰乃積百二十里曰餘莊西北十五里
曰興慶九十里曰康莊其新編屯一二里乃散處其地不
一也

樂亭縣 民社十八曰城社其西二十里亦曰城社東十
里曰馬家稍二十里曰沙城三十里曰黃瓜西北六里曰
高家堰二十里曰次榆坨三十里曰大家坨曰火燒佛南
十五里曰千金二十里曰稍坨三十里曰黑崖子三十五

里曰高家莊西南十五里曰白沙峯三十五里曰吳家林
西北十里曰嵩林兒二十五里曰醬家河北三十里曰胡
東屯九北二里曰賦饒西北十二里曰富有三十里曰
九有東二十里曰禾登西三十里曰美化南二十五里曰
慶寧三十里曰九有四十里曰時登西南二十五里曰致
順

凡民社百有八屯五十有八

府城市集日一曰南關廂二曰石幢子三曰西柴市四曰
城隍廟五曰鍾樓下新城街六曰磚橋七曰上街八曰鼓

樓後街九曰東柴市十曰東關廂鄉集四九曰雙望堡四
遷安縣城集日一三五七九在五街東北南三關鄉集二
七曰羅家寨今廢曰東寨曰太平寨四九曰楊家店五曰
七家嶺其曰稔子口曰河南寨曰建昌營曰相公莊曰五
重安今廢曰三屯營曰喜峯口日如之

撫寧縣城集日旬之上一曰南街二曰東街六曰北街
八曰西街中甸一曰南關三曰東關六曰北關八曰西關
鄉集四九曰界嶺口曰留守營二七曰牛頭崖二七四九
曰臺頭曰山海一六曰官莊一三六八曰石門五十曰榆

關都寨海洋

昌黎縣城集日五十一日大街二七日東西南關四九日北

關日學前日觀音堂前鄉集一六日裴家日赤崖日蔡家

日靜安二七日套里日木井四九日莫各莊五十日石門

店三八日姜各莊日蛤泊日莊頭日團林莊

灤州城大集日四九四隅咸通小集一六日南門日小東

街鄉集一六日榛子曰茨榆二七日馬城日古冶日邢各

莊口高各莊三八日石佛日稻地日倭城日栢家莊四九

日帶家莊口胡各莊日蓮北店日宜安社日兔兒坨五十

日開平衛日南司家日北司家日栗園日川林日南長寧

樂亭縣城集日以一三五七九五街鄉集一六日稱坨社

日新寨堡日醬家河二七日關各莊四九日馬坨營日商

家堰日胡家坨

風俗

凡郡邑之志風俗者率用前人通叙之語而于風會之趨變更之故置不詳焉若永平則一統志所引隋志之人性勁悍習于戎馬元志之人尚義勇節儉務農蓋亦得其大槩至於靖難之攻守永樂之徙民而爲之一變至于庚午之破城丙戌之圈地而又爲之一變矣始則一郡之人半遭屠戮盜賊蜂起城邑蕭條旣則屯兵輸餉苦無寧歲今則圈占之後富者半屬投充貧者去之宅境而民俗之趨于巧僞更有甚

于往日者矣子不云乎如有王者必世後仁昔人之
書所倦倦于風之自者不可得而刪也從源而鏡流
循葉而歸本是在賢者之移風易俗而已

舊志凡十有六章今節錄之

其四區自北而東西爲邊自南而東西爲海散于幅幘爲
鄉聚于輻輳爲城

城國黃籍制中曰坊外曰廂今郡不然槩曰在城社民城
六附衛五凡軍民錯初軍戶多而戍邊今民戶多而著土
初武頑乎文今文頑于武外衛在三隅軍主而什民寓而

一山海當重關視二衛爲饒而制馭率于冬牧開平中屯
寫遠而孤虛隔屬艱于州縣大槩軍民城居者多蕭條獨
灤稍輻輳焉蓋市廛皆出租庸且復應差曰門而舊有
甲防火盜有地方備偵邏且晝而撥工亦曰地方供衙門
修理及盤倉掃除之役夜則撥宿于衙門直更及街市擊
柝巡警遇有邊息復乘城守望後行保甲法十家一排五
排一保保有長有正比屋輪爲之始而相覺防奸盜尋乃
盡屬官差地方火甲工役守城加以保甲不堪其擾矣而
官家器用又于保甲索之無論傭儉老卽壯稍有生業

一身不能辦者猶轉僱以應之况其戶丁差徭乎則何樂而居城市哉夫因衛伍在邊空虛保甲爲城池設若不可無矣工役雖徒夫不給而不可以別僉乎直宿則衛有軍縣有民壯器用則有里甲或公費置買使居者樂業民願受廬矣

鄉黃籍制都鄉曰里而立里長甲首及畸零戶法編排里長務不出本都畸零剩戶派木都里長帶管不許將別都人戶湊補今郡諸鄉自經寇患及水旱離散漸不如制矣亦行保甲法環城廂者有供役之憂

勞二者深妨農事農之避差者多徙之遠鄉矣盧龍衝而小附府城差煩灤廣而羨遠府城差易故其遠者富家立堡起樓臺遷昌撫樂間有之而盧龍則無矣境多山阪利車乘然多出于鄉村昔者駢駢在道自嘉靖御樓災僉運木以助大工車主受累列縣無隻輪矣若里胥下鄉固天下通弊而郡之窮鄉其不堪特甚至稱部道檄則狼虎難狀矣萬曆初盧龍知縣武成凡有賦役家給小帖子戶至期令保甲鳴金子衢以促之里胥犯而下鄉食民一盂粥者覺則械于市自是無敢犯者鄉民迄今念之凡有司能

體此賢于今木鐸警化矣

海在元時灤樂昌撫利漕而富盛于北土至明初防倭設
巡檢司及三營一衛其時巡檢能行其法自逋戍私鹽外
緝捕嚴而民無外寇漁七里之海石白之地者未嘗有嚴
禁而樂其生矣自巡檢移不特三堡廢開平中屯之伍亦
爲邊戍而空山海以關藉口內官漁獵衛豪恣睢而網禁
嚴四場遠于轉運商賈憚中納而鹽爲屑越官皆贅疣矣
關去海十里無舉網者白塔嶺去衛一舍則舉矣然僅數
家共事結網帆櫂相連常二三十里每于立夏後不過三

次而止魚出海甚賤至城邑則貴海錯之鮮者惟樂城有
之而他處不至遺其利于海多矣其私鹽之弊別具于鹽
政夫三營堡旣廢尚有一坐營官未除徒役數卒以供魚
米視場官巡檢尤爲虛器也且場司並屬于轉運而若此
微官何爲哉况海氓之頑悍樂亭尤健訟刁風之嚆矢灤
州其尤乎

邊自山海口而上至松棚之龍井弦之則三百里關之將
五百矣近邊堡寨之設乃徙民以實塞下邇年羅漢潘家
失守屬國挾賞作麀鼠竊鴟張鈔畧小堡而路提諸官弗

歸咎于偵哨不明守禦不設輒唱歸併之議以免罪而偷
安驅軍民棄業遠移使近塞如無人境耕夫眠食無所野
宿風飡疾疫薦嬰多死亾流散卽境內七路廢者三十餘
堡矣其就邊居者一身征戍不及治生法極虐而令最煩
衣不蔽體居無完廬母爲齋裝妻爲牧馬竭其筋骨與死
爲隣有削髮截趾係累而不應者矣其稍有家者百無一
二已僅有身供戍矣或子弟餘丁亦役于坐營爲地方軍
伴不使子遺爲生而爲將領占役者終歲仳仳爲之養廉
或地土之稅令償而入囊若兵道營田百戶爲田畷者每

營十軍供役男女世其臧獲冒破官餉什其子粒欠者九
此不在邊關之數尤覆盆向隅之夫也出境而西則少獨
境內最多耳凡爲邊戍者不特屬衛戶丁雜以班兵南兵
俗爲壞亂極矣無警隨補隨逃而救死之不贍則禮義乎
何知將望固志而死守哉

此前朝弊政也近日邊烽無警兵丁裁供偵探守官坐鎮優游

土著雖稀新民漸集招徠墾闢在上者加之意而已

其四籍著本土謂之社召它方謂之屯有居屯而謂之民
有居社而謂之軍

軍初廩于官而免乎民役故律禁民詐稱防其役之避也

茲在城通謂之社則附府縣軍民而雜處民抵庸而有差銀軍餘止採辦柴炭上供後改折銀亦便然爲三等九則者酌其貧富而均也每則二錢極富至一兩八錢止嘉靖初永平衛經歷某編審憾富家不賄而坐以上則且巧立名曰門頭銀加于差銀外坐房產多者一人二三兩一衛一二家止及于閑丁耳惟是名立則害貽至萬曆甲戌通判某編審大坐門銀一人十兩者爲少有至六十兩及于士夫軍職令許報隨口而坐騷然告緡之績矣自是城中室坻不敢葺市井爲不聊生由多派溢于額適充備司篆之囊耳丁丑遷安知縣馮露編審覈出額之弊爲減免者多而未盡去門銀恐其徃銀不敷也若官多于軍則沿邊皆然世之有名無實者莫如邊衛爲甚

民制居里屯謂之軍而民居屯者其名同之耳古之爲民者四今則十有七八初止有里甲役使則吏皂胥卒總甲以次民壯老人巡捕夫役之類近年增設無度冗濫難分有快手有機兵有箭手有子弟兵有聽差陰陽醫生有集頭地方看城三老人及各色種種于事無益而民有害是謂糜費冗役所當亟節減者又驛路之費日增而就多驛

夫之直日裁而就少夫之逃者比比矣嗣是無敢應募勢
極必復舊法不據地而僉頭乎若夫馬之俵不過曩十一
耳旣條鞭徵銀在官仍坐舊頭名領銀而市買頭者之所
坐地多轉貨而偏累獨難攀者謂之幫地無置錐而仍舊
責助事體外戾槩縣焚然此又非前者四戶買馬之漸乎
故戶以民爲累民以地爲累矣今于驛夫加值一畝不過
絲忽耳則俵馬價若不敷闔縣計增官爲市解而去舊頭
之籍庶根拔而害不滋也

屯之名自永樂因靖難爲東兵殘傷而四郊半墟召南方
殷實戶就荒地而棲止謂之屯如古移之寬鄉意也其田
地有稅糧而無草束薄荒田之征寬新墾之力其無軍匠
者原籍已定也社民戶若干其軍戶若干本處逐年清理
者屯民戶若干其軍戶若干原籍州不清理者所以別之
其制異也凡社之名因舊而屯加以羨名社無新編而屯
有之乃輳撥人戶散處四方其里遠近其界濶狹難以爲
限而田土畸零不等但謂新編而已亦有不分屯社而爲
民壯之屯乃衛軍餘土每名一頃俾之屯種自後遂以爲
民屯或有因寫遠不能耕者或有無地而虛包子粒者或

有沙薄而不堪種者或有壓衝沙水而通無可耕者賂納之無訖蓋百有餘年矣民軍操練並同軍有月糧花布而民既無糧賞乃槩徵其子粒則勞苦倍蓰况死亡逃絕又累里甲包賠是代軍頂田而坐困近日歸農乃息矣

社之名亦自永樂蓋東兵之蕩析自山後逃回者爲社在城而各鄉有分一二里者而屯新編爲二里惟灤州爲然矣社爲主屯爲客屯多邊方社多近地遞年田地則有稅糧且有草束且有軍匠皆與屯別耳其名雖別而婚姻通主客年久無相尤也至隆慶間社民告屯民均草而社草

如故屯則加焉民甚苦之蓋祖制已定豈宜紛更若孝民蠲糧其地在社屯可違制而令均其賦乎徒悖和睦之訓而失忠信之風矣國法民之賢者舉鄉而飲于學其庶人皆得祭社而讀法今農豐稔必賽於秋杪商旅獲利亦賽於歲終此報本之良心與古蜡臘意同然農賽於近村神祠未必合祀典而未嘗讀法于社或設齋醮于寺觀使終歲不耕者得糜勤動之食由有司未嘗曉喻之也不知上以生財載物故名之社古人居滿百家必爲之立社今當使民立之祈于斯報于斯立鄉約以遵聖訓于斯設里塾

以教子弟于斯則祭義明而風俗善矣

其四業就燕閒而明倫謂之士就田野而力食謂之農就官府而成事謂之工就市井而通財謂之商

士在前輩雖習記誦博功名而心理道者少然多醇謹經書務在講貫子史亦多涉獵自嘉靖中豈惟理學率記誦時文置子史不問而邀榮施足矣今南宮正文體求實學進取者稍異其歸充囊橐厚營產業則師方伯而嗤太僕有矣居學校者好尚亦異間有淳謹重名節群咻使無所容乃一二亂苗者然而穉不爲之害乎

農北平延袤偏仄山水糾紛其中田無幾可耕且多沙磧澆樂獨稱平沃民亦明農舊賦役簡生計易爲無論巨商卽小貿販亦可坐致菽粟終歲憚于勤動率鄙農而不爲後俗漸狡猾負債者不償貨殖者寡利乃知任地務農第驛站之夫頭在地種馬之孳養在地大馬之解俵在地將有事而力不暇矣坐是數者終歲在官故其語云田家無論厚與薄不見縣門心自樂自一應是役卽鬻地不足供舉以地爲害遠而棄之它矣至條鞭法行地有利無累一時比屋皆趨農力之勤惰不同而耕治之法亦異撫邑以

西耕尚小墾以東尚大墾大墾植苗恒于脊不至埋沒耳
凡地附郭價高爲人競置之耳遠者價甚薄率棄而荒蕪
衛屯荒棄尤甚則其差役重也以工商較之農遠城市務
本力作不習奸僞古心尚未鑿然不知習水利旱潦悉聽
之天平歲惟爲下農豐稔不知積蓄故貴賤不得其平稍
饑饉則流亡至歲平招之復業其俗之不改如故如南方
鉅富鮮矣

工在籍謂之匠考額府屬役曰銀曰鐵曰鑄鐵曰錫曰釘
鉸曰穿甲曰木曰桶曰磚曰石曰黑窯曰瓊曰熟皮曰染

曰烏墨曰搭綵曰絮曰雙線曰篋曰冠帶曰旋曰枰有在
京住座有遵化鐵廠之輪班之長工今罷凡逃移者多亦
有種地戶代當者有爲商賈者會典府匠三百四十名徵
銀百五十兩及工部四司料銀則實居肆者寡矣蓋地鮮
物產而工藝寡卽以工名亦不稱精巧其器制昔堅厚而
今纖脆昔閎鉅而今狹小昔密緻而今苦惡豈惟觀工亦
可觀世然無淫巧猶昔又可以觀俗矣

商郡非四通而習質樸不尚奇貨惟布帛裘楮常用物耳
弘正前有大賈販吳綺中淮鹽起家至巨萬後則亡今行

貨僅自臨清轉至尚不能盡售古稱賈廉爲上茲競秋毫
欺以濫惡動則指天誓日而與駟僮伍實下盜一等耳又
其貨有稅其鋪有行行者應官取用曷嘗不給其價而苦
之甚怨詈如讐畏避如劫行何嘗不應官官則有煩言爲
以贖物而索高價深惡切忌之上下情背何以故則牙役
爲之嫁耳至屠沽餅師輩皆苦行與賈等而賈富者出資
謂財主能者出力謂夥計未有財主完出而完歸夥計善
始而善終者也有司之征法紀尚存故山海關不甚低昂
焉

其四禮備三加而責成人謂之冠合兩姓而傳宗嗣謂之
婚制五服而慎殯葬謂之喪享四時而報本始謂之祭
冠古二十而冠童髻惟束髮總角耳今俗童輒戴帽或謂
北土禦寒而然至暑則可去矣仍步搖爲容好世爵巨室
且以金梁及唐晉諸巾是童而冠又何加焉自此禮不明
卽士夫亦然若庶人而三加則僭而不行可也其貧賤身
無完衣冠履極弊不肯露跣此有古風焉
婚古六禮不備則貞女不行今郡巨室雖不能盡合而亦
不至于甚戾他則未免于論財女于男家納徵時講壓盤

請期時索聘禮男于女家責備奩物往往因之失好若廢
納吉而合婚廢親迎而下親此尤惑于藝術卽士夫亦多
蹈焉者至于指腹割襟固爲非禮而乘重喪以嫁娶實爲
敗倫傷化之尤也灤志云男家初託請達者通媒女家卽
盛設卓面酒饌三湯五割連翁邀請赴席歌妓舞唱盡日
歡娛男家回席亦然争相奢侈爲榮又不在問名徵幣之
限及親成生子女甫一二歲間信巫覡尼媪之徒具齋供
酒菓送寺拜僧爲師復請親識同往男女溷雜盡日作樂
有卽此而議親僧媪爲之媒妁俱宜痛禁今亦稍變但下
戶貧賤女尚祝髮聘財旣領卽歸于夫家謂之童養則不
待父母之命未笄冠而野合矣此則乾茅就火不焚而燃
習俗久矣男女彼惡知哉

喪禮士夫通行家禮者僅有然而雜以佛事者多焉若齊
民則一以佛爲泊矣其作樂宴賓縉紳家亦有之不然人
以爲薄親簡賓俗見之訛也久矣在禮成服殯歛俱以日
之三數計而今每言七日在禮初終而復不過家庭今三
日則齋楮鏹于城隍神廟五七日于東嶽神廟日資冥費
親屬偕往漸于佛說深矣五服親屬俱責喪主以備服謂

之成服此于各服其服以入之禮不講也若賻所以助今受必計多寡裂縞素以報之倘不稱而賻客有形于爭者矣當親卧病士大夫家延醫服藥鄉邑小民惟用師巫邪術以聽命于天待葬不求風水不尚封樹反藁裡而掩之惟一抔而事襄矣有一二故家雖不酷信風水而尚惑陰陽以歲月不利姑殯于寺廟以待吉久則多不能葬焉又雖世祿家而樹封碑者寡其士夫非膺仕而有志銘者乃百之一二此過于朴畧也

祭禮按士庶之祭內之重于先外之重于社若品官家廟今制未定嘗倣家禮爲祠堂如今制祭四代庶人當從制及祖依古薦于寢可也北方世爵及縉紳崛起家構第以居有堂室有房寢壯麗獨未見立家廟其薦祭之儀亦簡士夫之裔猶知作主而貧者多共一扁書始祖不論應祀者幾以神像置中而家神則配之貧甚則以楮書諱甚至諱楮亦無矣舉祭在禮上香者炳蕭之義求神于陽也酌酒者灌地之義求神于陰也乃奠酒以致享禮畢而焚帛無帛則以楮代之非祭義所當知乎今大都上香後卽焚楮焚楮後方酌酒不奠卽拜而禮畢矣然俗重墓祭每清

明于塚上增土備牲楮爲奠七月中元惟奠牲楮十月朔則益以冥衣邀親衆享奠品于墻間其新塚遇三祭時每具服哭臨三日服除乃已士夫及齊民皆然雖不合禮亦報木孝敬之厚道也祭社具于左但家祭除夕元旦祀天地日月而商旅之賽于家亦曰焚天地日月楮不知庶人不敢瀆而賽用羊豕其分乎

立春之儀先日盧龍縣戒東門外官亭以各色器物選集優人媚子小伎裝劇戲教習謂之演春屆期闔城文武官往迎前列戲隊殿以春牛商工百藝持器奔趨老穉皆觀

士女填市謂之走春鼓樂交作優長假冠帶過官府豪門各有讚稱韻語博笑取利謂之鬧春牛至府堂次日至時鞭而碎之隨以鼓樂將別塑小芒神土牛分獻上官鄉宦謂之送春其占土牛與宅方同所鞭土市民爭取塗竈或塗壁云去臭蟲或以書門曰百事大吉而薦栢酒白葡萄餅以樂之如在正朔前後旬則惟豪門者舉焉謂之慶春州及支縣外衛亦如之

孟月朔日謂之端月元日官府望闕遙賀禮畢盛服詣公署往來交慶士民家昧爽設庭燎蕤香燭奠祀真宰及祖

禰仍設于堂供獻家人拜家長舉觴稱壽貴家焚丹藥戶
內謂之辟瘟喧鼓吹于庭院謂之鬧廳熾栗炭于堂中以
迎旺氣旦日出占色紅晴及西南風收菊林霞紅主絲貴
霜重有雪主夏秋大旱雲霧兵動人災取除夕所置百種
而量較之出息者豐獲啓視稽豆而次數之以粒卜月潤
者其月雨乾者其月旱人飲水主五穀丹黃忌之戶前置
水則主消災所插芝蔴稽主門戶清吉諸福咸臻所風具
餽饌可供三日用戚里閉門罷市盛服交賀甥壻來謁留
飲猪日祭墓遍禮群神交宴親友少年自鷄至馬隨意開

游或演習絃歌或番弄博戲或聽說偈唱詞或看踢毬舞
棒穀日稍止旬浹炊麩爲繭以祈蠶功越二日而浹辰矣
並晴明無風則以日卜月而歲大吉又二日女輟鍼名忌
諱是日或先試燈設席望日上元官舉鄉飲通衢張燈謂
之正燈官舉火樹民放烟火觀或達曙男女群游謂走百
病是節本漢家祀太乙昏時祀到明又西域摩瑞隨國僧
徒俗衆集觀佛舍利放光雨花也故或賽寺觀及諸神廟
焉亦有俗子謂上元天官賜福之辰持齋誦經閉戶不出
者至次日爲殘燈傾城士女出病婦亦群聚窰下日陶灸

兒女交錯度橋謂度百厄或有以繩跳躍謂之跳百索或蒸紙裁剪爲九條信手結曰結羊腸占休咎又有邀廁姑廁姑者紫姑也異苑記之矣茲不如其說但問吉凶焉又有窖帚姑箕姑針姑蒿姑者皆女巫因走病而誑誕其俗也或用膏油貯之甌盞十二蒸于釜依月而驗有積水者主多雨微濕及乾者雨多少如之或蒸于除夕亦驗過此童入塾賈于市商于塗爲墟爲集州縣屯社各如常業廿四日以鼠會親是宵燃燈一歲作耗故禁火五日曰填倉農家蒸飯炊饅五更用竈灰于前院畫地成窖爲梯岡形或撒五穀以磚石壓之爲歲豐盈兆而農出郊矣雨水節後占天陰宜農

仲月朔初吉爲中和令節官民久不舉次日以龍擡頭農家用糠自戶引至井用灰自井引至甕謂之引龍入宅主有財用香油煎糕燻蟲則物不蛀且以辟厨竈蒼蠅婦舉針逆女歸寧上下祭文廟上戊祭武廟社稷風雲雷雨山川民間社不必戊而或祭馬神八蜡廟驚蟄春分志風雨以卜豐歉自雷起至百日河漲分日占東風收麥有雷在分前後日歲稔是日作酒及醮時水泮草生農事婚姻之

期家嫁娶農舉趾一丘爲花朝節今不甚舉
季月朔占值清明草木榮茂值穀雨黍稷豐盛是日及次日雨主旱三日屋地不平取土墊之吉種宜葫蘆多且大也上巳不修禊城北有曲水流觴今廢或有病者滌于長流十四日俗稱城隍神生日競設賽焉或有夜祭三皇享胙瞽者唱飲達旦冬至後百五日爲寒食清明節也俗多以前兩日爲寒食前一日爲蛆日造醯醬忌節日造生蛆當清明官祭厲冢展墓掛紙錢增新土作麩燕及蛇插柳枝標于戶以迎玄鳥男女並出祭掃次日婦告歸寧而墓連日傾城踏青看花挑菜簪柳鬪百草諺云清明不戴柳紅顏成白首家家樹鞦韆爲戲閨人搥子兒賭勝負童子團紙爲風鳶引繩而放之山原車馬尊羈相接道隅餒餘而多醉歌矣下旬八日祀東嶽廟俗爲大帝誕辰也男婦有爲父母兄弟賽願頂紙馬歛衣束身出戶且行且拜親衆鼓吹隨及廟乃止並日拜廟山海則拜于天妃廟穀雨書朱符禁蝎

立夏日占日暈則水多是日入海捕魚視西南風則多獲東北風不利若值朔主地動小滿主凶災大風雨主大水

小則小水晴則旱

孟月朔雨占麥豐歉俗云一二麥脚黃三四落把穰五六泥中割七八麥上場以七八日雨爲上也八日爲浮屠生日浴佛僧尼各建道場宣經偈男婦結會持齋詣佛寺禮拜或以黃豆置盤盂而念佛悉如豆數且分衆食謂之結緣十八日祀天仙亦謂之拜廟視季春尤盛蓋婦人求嗣者本古高禰遺風流而爲賽禱又童男女多病者以小紙稽爲枷鎖荷之詣廟祈禱三年爲滿焚神前謂枷願其祠在遷安景忠山顛者俗稱頂上娘娘昌黎仙人頂亦稱頂上境數百里内外男女或負病匍匐上獻錢于祠官立收頭而坐享其利進香者往返交錯于途旅店咸獲利山下紙幣之肆亦二三日大市也

仲月端午置葵榴堂中懸艾虎辟瘟貼紙畫虎蝎或天師像謂之五毒符捉蝦蟆取蟾酥朱書五月五日天中節赤口白舌盡消滅揭之楹戶僧道以辟惡靈符分送檀越醫家以香囊雄黃烏髮香油送所往來家而揭符于門採百草製藥湯沐泛菖蒲硃砂酒云飲之惡物不入口兒童頸臂脛足係綵繒云辟毒名百歲索俗不競渡或鬪百草賭

飲而已戚里以角黍餉男女姻家互饋爲追節是日雨主
虹至日占伏有風大熱占麥謂麥信東南風麥稔西北風
熟亦瘠西南風甚旬中必稿十三日俗爲關帝誕百戲角
觥集倡優樂之是日必有微雨謂之洗刀水

季月六日熟五穀收冷多雨勺灰汲井水貯之經年不壞
可以造麪漬醯匕以水煎鹽擦牙洗目勺午曝衣帛裘匕
夏至後第三庚爲初伏第四庚爲中伏伏日宜嘗麪醬麪
有糲細而醬以生熟占初伏雨主秋旱鋤茄十次每秧結
十茄人洗頭去風以杏仁炒麥子食數粒一年頭不痛心

無嘔凡伏寒爲災與唐五行志占全時黍將登大暑忌朔
小暑忌雨社旬有三日祭龍王廟至望祭風王廟
立秋戶掛蒺藜云蚊不入戶或日中元將至而鬼畏之是
日占晴主萬物少成熟雷多尤忌之初庚爲後伏十八日
寸草實如夏至之麥刻期不爽焉

孟月朔忌立秋六日掛地頭匕七日曝洗作麪合藥勺夕
少女或盆種五生或案陳瓜果于庭院中談銀河會乞巧
結綵或對月穿針或以水注磁碗撒繡針于中照影以試
巧拙童男有置蜘蛛小盒內次日視絲稀密爲乞文多少

亦開元遺風今男女乞者少矣惟爲牛生日掛花枝于
角可無災以麪餅賞牧童及次早視鴉鵲頂甍爲取填河
之驗焉中元爲地官赦罪辰僧家建盂蘭會人家有持齋
誦經謂之大齋日前一日採麻穀歸置門左右或置奠苾
祀祖考復墓祭或負麻穀往謂之麻穀節官祭厲里社亦
行之穀始登處暑亦忌朔人不安

仲月朔日雨謂之苦雨占菜味不嘉丁戊祭壇廟白露旣
零里中各祭土神不必用分前後戊日爲壇爲社也分日
喜陰及西方微雲起忌熱主旱中秋之里製月餅雜以餠
糕及瓜菜酒醴祭月而賞之比鄰群飲街衢夜分乃已豪
門相餽遺讌會笙歌徹旦下戶瓜菜少坐而占月爲雲
蔽來年燈節必雪

季月朔日占值寒露主寒溫不時值霜降主多雨及來年
饑有風雨主來年春旱夏水麻貴若東風半日不止則米
麥皆貴重陽日晴則冬至元日上元清明皆晴雨則皆雨
又占是日晴則一冬凝雨則一冬晴占風色爲來年豐歉
喜東北忌西北其爲節稍如荆楚歲時記家製棗糕侑果
殺饋遺姻家簪菊佩萸登高多酪酏而歸釀菊酒醃瓜菜

霜降官祭旗纛月內忌雷王穀貴虹主人災霜不下來年
二月多陰寒

立冬日謂之陽月值朔有災異晴雪則一冬爲然晴雖過
寒而有魚占來年前霜多主旱黍善後霜多主晚禾善惟
西北風主來年大熟

孟月朔鄉飲舉于學宮無祀祭于厲壇至下元節傳水官
解厄之辰亦相効持齋誦經質明祀先祭墓剪色楮爲冥
衣焚之曰送寒衣是日南風則冬煖北風寒又占十六日
謂寒婆晴主冬煖竟月畢場功勞農遣工人歸設醮燕享

至醉如古蜡祭之風焉虹主庶穀貴月食魚鹽貴雷人多
死雷而霧離水面則二百五日水至

仲月大雪節朔日大雪主凶災不利農至日亦然日至謂
之亞歲官府五鼓望闕拜賀畢彼此拜賀如正旦民間祭
先祖多逆女嬪女嬪有獻履尊長者其往來拜賀惟山海
爲然至後九日爲一節語云一九二九冰上走三九四九
不舒手五九六九沿河尋柳七九八九賞花飲酒伏訖而
寒生九訖而煖至北方節氣雖同而東北視西北正矣
季月朔日忌大寒有虎災喜小寒爲瑞是日以井水洗蠶

子日飲蠶通稱是月爲臘月臘前雨雪宜菜麥且卜來歲
稔初八日爲臘日以米豆果肉雜爲臘八粥或遍置花木
卜云次年無蟲且茂童女黥耳童男剃髮下旬四日名交
年或日小年掃室宇暮設糖餅果菜祀竈俗以糖丸粘竈
門云毋得言家長短以祈福庇鄉人秉高炬照田間修整
門戶更造服飾整辦酒餚備具符帖僧道作疏送檀越醫
士作辟瘟丹屠蕪袋送往來者除日官家易門神桃符下
家亦易聯帖懸麻線匙筋葫蘆新箒于戶插芝蔴楷于壁
夕辭歲陳儀祀真宰及土神祖禰設庭燎照星斗放爆竹

驅鬼焚蒼术辟疫或樹將軍炭或擊千金木取百穀種量
較鈞壹置之地面取稽莖一析之細豆十二閏加一束置
之水中乃稱壽家讌少長咸集兒女終夜博戲謂之守歲
官家用鼓吹及民間炮喧聒耳達旦亦有夜深禱竈請方
抱鏡出門潛聽市人偶然言語以卜新歲休咎云卜竈自
祀竈後男女婚嫁不擇日至除夕止謂之亂娶成親無忌
矣

凡歲雖士大夫家不知占星象民間但見日月外有暈影
或占之日嵐多雨月嵐多風而占月爲多春季夏仲初三

四見新月語日月兒張弓少雨多風月兒仰死不求自下
爲甚驗焉其四甲子雨如唐朝野僉載俚諺而倒其語云
某甲子雨不叶下韻且闕末二句今述唐諺正之春雨甲
子赤地千里夏雨甲子乘船入市秋雨甲子禾頭生耳冬
雨甲子牛羊凍死鵲巢下地其年大水宅有一二占互異
不驗也大槩居近風洞屯社祭風凡旱官禱于壇廟民多
禱于龍王焉

物產

凡物之生于天地間者土各不同而亦有古今之異
然而百里之域荒逖之區未嘗無特產也若灤志所
列通于天下而郭建初又徧搜三代以來之書以示
博則固所不必矣昌黎志乃云倘按籍而索民何以
應故盡刪之是豈禹貢厥篚周書王會之意哉夫永
州之畜蛇者或反以寬其地之征而下坊州取杜若
者又未必出于圖經也仁人君子以之察土宜而重
天物亦曷可少乎舊志太繁擇其切于今者存之

禹貢島夷皮服夾右碣石入于河

山海經碣石之山上有玉下多青碧繩水出焉多蒲夷之

魚

商書獻令其一東胡請令以白玉橐駝野馬騊駼馱良

弓為獻

爾雅北方之美者有幽都之筋角焉

周禮大司樂有孤竹之管奏于園丘

註云孤竹竹特生者不指所出地後人因

孤竹國名而指有是竹焉

周禮職方氏幽州其利魚鹽其畜宜四擾其穀宜三種

周書王會孤竹距虛不令支玄獏不屠何青熊

釋云不令支令支也

不屠何屠何也皆東北夷名至北魏稱徒河矣

周書海陽之蟹

詩王錫韓侯其追其貊奄受北國因其伯獻其貊皮赤

豹黃羆

春秋齊侯來獻戎捷穀梁傳戎菽也

郭璞註爾雅以為胡豆

史記蘓秦說燕文侯曰北有棗栗之利民雖不佃作而足

於棗栗矣此所謂天府者也

史記燕秦千樹栗與千戶侯等

唐書平州土貢熊羆蔓荆實人獲

遼史馬城縣東北有千金冶

一統志 金遷安縣寬河川出 丹錫灤州及遷安縣出

今不產 鐵遷安盧龍二縣出 鹽灤州及樂亭縣俱出有

場 今撫寧昌黎二縣俱出 人參麝香豹尾俱廢柳城縣出 紙灤

州及遷安縣出 今但出遷安縣 鷹鷂昌黎縣道者山出 少今 石灰

撫寧縣有場 今場廢 蔓荆子遷安盧龍二縣出 甘棠梨

遷安縣出 香白芷樂亭縣出

右並見于經史之文

今志各府所通有者不具其尤異者

盧龍雖郡治邑小而產少 黃金產陽山溪中色雖艷而

小如粟粒淘之得不償工其河名淘金又云孤竹山金頂

銀腰鉞脚言所產也而白溝河東北五里有銅鑛山 食

品醬豉製得法 紅蘿蔔城西獨大而脆稱特產 桃林

口關面黃崖山襟青龍河產魚鼈鯽鮓鮎鱸最肥美異他

產口外人每春縛蒿作筏冬穿冰飛叉擲取之叩關貿易

人亦利其價廉間產靈龜不常有 口外山溪險峻松檜

蔽空虎豹豺狼之所窟也虎或入城捕犬羊其產黃羊常

來關外人莫能捕之 境外有山徧產桃樹枝幹勁直色
 班脂膩皮可裹鏃關人及口外人並取之故關營以名
 桃林口外三十里有芍藥川花多白開時彌漫十餘里
 黃崖草出燕河營葉圓根皮系肉微紅狀如羊尾不知名
 為金刃傷者取根焙乾去皮刮肉末傳速效

遷安地廣山溪近邊多異產 黃金產寬河在口外 六寶峪

以產金銀銅鐵鉛錫名 銀鑛山在太西及黃崖山

沿邊多有之鐵川在要孤山 紅白土可巧出為口關及

白道子白可漿衣拌糖 石灰出黃山匠窰峪 黑鷹多

巢貫頭山 紅背鴉自松亭至石門皆有鐵門洞諸山尤

多 蟒有遺跡 猴大尖山團亭石之 蟹三里河者肥

美土人探穴競取之澈河者亦佳于灤 鯽灤河佳美蓮

池山產亦佳 凡魚自口外由灤入團亭者潘家口立楷

其灣所聚也官坐享而漁之 黃牀長嶺社屯多產為楮

以販線麻亦所特出 桑皮紙出更北社多紅花白蠟藍

澱 木稱奇章栢口內栢少松多可遊鄉漢兒莊三屯館

類多異不能枚舉而口外尤多蓋出松亭關乃古千里松

林界矣 邊內木大稱銀杏七家 銀下二株大于它產實

佳而價甚貴 梨錦唐出在城社 入陶村社小而皮薄甘
脆藏至正月味愈佳 榛栗帳房 山產歲進貢松汀山及
城山多 藥有天花粉黃精人葠五味細辛桔梗茵陳半
夏兔絲豨薟蔓荊茯苓赤芍藥白芍欬苦參之屬各邑山中
多有之花椒城山寺爲盛血石煎領產冬青草乃欬冬花之
類也 煤糞草出縣西二十里賢姑廟旁其水浸十數頃
草木蕃盛產荷菱及螺蝦一旦忽涸掘數尺皆糞草乾可
烘爨土人利之徐少卿因而闢水田數頃
撫寧兼山海產宜饒而若詘 銀鑛嘉靖乙卯開貢于王

旺峪官督軍防供應不貲煎煉不滿千金而耗民膏什八

九矣鑛脉旣嗇人力亦疲乃奏罷立廟于洞上石佛峪南

亦有銀銅峪其絕久矣 石炭謂之煤 詳見山川 今供給有司

產石門寨 大崇峪多青石利用 詳見山川 猴猿三巒山最

多每至八月義院口溫泉堡外輒有數萬至彌月乃去田

家苦之 熊出口外口內有熊山蓋舊產也 熊似蛇長

尺餘有青黃二色多居泥中出溫泉堡葦子堡香山溝者

佳 白牡丹出青山黑峪頭西及羅漢洞外 藁本香產

葦子峪 水紅消梨產臺頭之東山熟于諸梨後皮中皆

水香聞數步獨爲奇品他郡所無 秋桃出石門寨其大
過拳甚甘美蓄者用草圍樹以避霜雪因熟晚故名初每
顆價不過一分至十月取出其色瑩然貨之顆五六分矣
其李與蘋果亦稱佳非特產 藥有草烏遠志海陽出商
陸山海出麻黃佳山海花有匾竹貨有線麻椴麻魚刺石
首鮫魚石魚鱖魚青烏賊鮑白條對蝦海饅頭海鶴鶉
酒次于灤關志云土瘠狹多寒無豐產古稱魚鹽自海禁
嚴而漁商並絕故獲寡而售艱矣

昌黎自爲一域山不逼邊海不逼關風氣繁麗山產類撫
寧盧龍海產同灤州樂亭故無異產而載其多者 石乳
在達磨峰之左凡崑穴 陰處溜山澗而成空中相逼長者
六七寸如爪甲中無雁齒光明者佳 焰硝出套槐社
絲鹽出永受屯黑磁器瓦器及澗出石門社 薏苡出會
東社 蓮子菱米黃菜出靜安社 紅花出赤崖社 綿
花出沙程社 平機布出會東社 豆有刀有玉環 瓜
有化卽胡瓜也亦呼爲黃瓜 菜有菠有茶 花有班竹
出在城社又以名寺 果有無花有文官有互斯賴有柿
子白榆出洋山社蒲萄接桃出順德社櫻桃核桃出嘉穎

屯石榴沙果出延昌屯 兔出正樂屯 團林社七里海

多魚有角有帶 海錯車螯同灤州

灤州沃衍產多貨殖聚焉 花椒種二有水有火香花峪

頗多 蒜紫皮出松梁社康家莊及梅一梅二社 蓮州

及樂亭地二里最多故曰龍灣瑞蓮 芹以名山 俗名芹菜山

在古馬社 龍鬚米出法寶社 果品李產偏山最佳無

花果樂亭有之 赤石脂出紫金山未聞入藥用各色石

脂境內亦有之 黃芩柴胡出橫山營有名入貢 芎藭

葉名藤蕪州產不堪入藥惟可入茶 粘樓州北土牆甚

多 薏苡仁下社多可作粥 辛夷花不多產惟州治後

一株甚茂 酸棗野蒲萄產項家坨 松薦福寺者大十

圍知州潘齡書秦封第一今無 狼兔多藏于大田泊

猪州產頗多樂亭民間有以此致富者 雉兔獐等物產

于龍堂望馬兔耳大夫楊家馮家諸坨六畜則馮家長坨

草木蕃也 狐出止馬山者毛淡色赤俗傳巖山有狐妖

鳥屬有鐵脚至冬人補充饌甚肥美又有禿鶯兔鶻鴨

鶻訓鶻經雀沙鷄及柳葉兒鶻魚即驢糞毬黑馬杓胡叭

喇臘脂辨籠兜子紅琴兒金雀蠟嘴之類 魚類鯉最佳

出偏涼汀大者一二十斤鱗甲金色奪目肥鮮尾長曰重
鰓及鱖鱧鮎鱒青白出灤河並佳 淮魚似鮎而大海多
灤少 鯽偏涼汀最佳多重斤許有至三四斤者湖湘不
及也 海鮐近府有之 九子身黃頭大有翅無鱗出清
河 秤桿小而長似之鱗細出清河 鮫如梭身長而青
灤海並出醃者海佳鮮者灤佳 白眼海出類鮫而肥身
鱗金色眼如玉環重三四斤灤河亦出樂亭沙城社多
魯四月後海及灤俱有巨口細鱗身負黑點大者十餘斤
麩條魚一名銀魚出蠶沙口樂亭之千金社 鰻海出

立夏方有大者數十斤 鰮腹中有鰾但不及南產耳至

小者重三四斤四五月多 同羅細鱗有黑點形類大鰮

味亦如之但土人不能作耳 巴羅多刺味微類鱒小直

沽呼爲騰香魚 蠟頭類河豚味甚美肝血有大毒去之

方可食 八帶海出 帶魚狹而長如帶出樂亭 魴腹

下有骨如鋸 鱮似鯉生淺海中專食泥身圓小骨軟肉

細 扳魚身多鰓長五六寸味肥似糟滷之可作湯 羊

魚味臙形圓尾如羊尾端有骨如劍觸之傷人土人取其

油 鏡魚形如鏡 房魚其大如房或隨潮陷沙上土人

割脂熬油燃燈腥臭不可食 黃谷種條出灤河 鼈俗
名團魚灤河產佳 蛭殼薄而狹長正二月出泥中味佳
蛤蜊似蛭而殼團肉厚 蚶似蛤而圓小殼如瓦楞雷
動而開人不食矣 螺極大小者爲羸螭 蚶蟹出白沙
峯社西灤河多 蟬蟹隨潮退殼一退一長潮大則膏不
實矣 蝦大小不一近海產有金鈎玉鈎之名出蠶叢口
取肉乾之爲蝦米灤河亦多 棉花凡平原皆有爲布有
雜有細樂亭機杼爲盛土人呼爲家機布 紅花多種之
塲圃承露采乾以染紅及作臘脂 澱出於藍以水出色

永平府志卷之六

萊陽宋琬撰次

宜興路

遼參校

城池

遼陽彭士聖重訂

昔夫子之荅言游以城郭溝池爲小康之事而王公
設險之用于大易繫之下陽虎牢春秋特書以示守
邦之訓聖人之情見乎辭矣茲郡自慕容氏大城肥
如魏熙平城肥如之後于史更無可徵跡其歷代攻
守之故亦得失之林也兵革初定垣墉荒圯府城西
偏漆河屢遭衝齧岸復善崩時勤築塞司土之君子

豈得曰守在四鄰而不講乎

府城高三丈有奇厚二丈周九里十三步

前代脩建年月無考明洪武四

年指揮費愚等拓其東而築之砌以磚石門四東曰通遠南曰觀海西曰望京北曰鎮平其西北別有一門曰小水門門各有臺有樓其重門曲而盡制其南門之東二百步當學宮前有奎星閣又東數十步下水關上有憑虛閣東門之北有臺最高上有望高閣又北上水關上有玄覽樓西北隅有武備樓其歷年增修者景泰中參將胡鏞知府張茂弘治中知府吳傑嘉靖中兵備副使溫景葵隆慶中知府劉庠萬曆中張世烈任鎧馬崇謙徐準推官沈之唵天啟中兵備副使張春

池深二丈廣五丈

東北而南阻山為塹北憑肥水入漆漆為西塹其北隅有文會亭臨之迤南而

東皆蓮池深廣其西城下有磚石泊岸以防漆蓄洩水有渠汲水有級其制頗脩

盧龍縣

民堡

北三十里安山曰松崖西三十里赤峰

曰安河東三十里新羅寨曰雙望

遷安縣城高三丈厚丈二尺周五里北屬縣南屬衛

舊土垣明

景泰中巡撫鄒來學檄縣甃以磚門四上各有樓其歷年增修者天順中知縣江澄弘治中張濟正德中羅玉嘉靖中許穡卿常文瑛羅鳳翔隆慶中隋府萬曆中申安錢吾德張九三順治五年張玉

池深二丈廣三丈

萬曆中知縣申安引河繞之

民堡 南十五里曰沙河驛西六十里曰新店西北六十

里曰羅家

撫寧縣城高二丈九尺周千一百六十四丈東屬縣西屬

衛 舊土城一座在陽河東二里明洪武十三年徙河西兔耳山東永樂三年於舊縣址置撫寧衛成化三年奏復縣于舊治乃於衛東立縣合為一城甃以磚門四上各有樓其歷年增脩者弘治中知縣李海嘉靖中通判李世相知縣段廷宴姜密萬曆中管縣事通判雷應時指揮張耀先

池溪三丈廣五丈

民堡 山 北二十里曰馬頭嶷三十里曰羊角山西四十

里曰鵝鴿堂西北三十里曰鵬岩東三十里曰塔子山南

三十里曰兔嘴岩

昌黎縣城高三丈周四里 舊土垣明弘治八年知縣殷玘甃以磚門四上各有樓其歷年

增修者弘治中知縣陳綱嘉靖中秦志仁李希雒胡溪楚孔生隆慶中張存智萬曆中孟秋吳應選胡科石之峰馮

恩天啟中尚濂順治年程量劉彥明

池溪二丈廣四丈 東西門有棧板南北門有吊橋

民堡 東二十里曰裴家莊西三十里曰蛤泊五十里曰

靜安六十里曰莫各莊南五十里曰套里六十里曰石各

莊

灤州城高二丈九尺厚二丈周四里二百餘步 遠時築凡沿革明景

泰二年巡撫鄒來學檄州同楊雄甃以磚門四上各有重樓有四角樓其歷年增脩者弘治中知州孔經嘉靖中張國維陳士元隆慶中署州事府同知賀濂知州崔炳劉欲仁萬曆中白應乾張元慶何士偉周宇

池溪廣皆二丈

民堡 東南二十里曰馬城六十里曰倂城西四十里曰石佛莊九十里曰榛子鎮西南八十里曰司家莊

樂亭縣城高二丈八尺厚一丈五尺周三里

舊土垣明成化元年巡撫

關本檄知縣元弘堯以磚門四上各有樓有四角樓其歷年增脩者成化中知縣李瀚弘治中田登正德中縣丞孫鴻嘉靖中知縣相文祥隆慶中李邦佐萬曆中王永清

池深一丈四尺廣三丈五尺

民堡 東二十里曰胡家坨三十里曰黃瓜口西北六里曰連北店西三十里曰新寨西南三十五里曰馬城南三十里曰閻各莊

公廨

永平介在東陲非若中原上國富州雄郡有美之堂凝香之閣可以形之文墨後為風流而自監司守令之居與臺部駐節之所不過以時填館蔽風雨辟燥濕而已且以歲凶民貧多廢不治而邊亭鎮遏之處昔人勑為廨署無慮數十百區今並委之榛莽邑似窮邊官如傳舍此亦郡事之一變可為增慨者矣舊貫雖存荒基難構故但錄其見存者于書以告後之人時勤塗墍焉

府治在城中平山上

明洪武二年建其歷年增修者正統中知府李文定張茂成化中周晟嘉

靖中曹懷萬曆中劉澤潑

堂東經歷司次茶水庫西照磨所次架閣庫

兩翼東署門次八房次鸞駕庫西署門次八房次大潤庫

中甬道戒石牌亭前儀門外東土地祠寅賓館西司獄司

堂後為穿堂為後堂北為知府衙東為理刑廳馬政廳今裁

又前為檢校宅衙西為清軍廳糧捕廳又前為知事照磨

經歷宅次列吏舍大門前至東申明亭西旌善亭中有坊

曰保釐東為文官廳西為武官廳前有坊曰古北平臨衙

盧龍縣治在府治東南舊在府治後明隆慶二年知縣趙敬簡移于此堂東庫儀

門外左寅賓館後土地祠右獄其穿堂西楹為書舍左知

縣衙右典史衙吏舍列各衙前

遷安縣治在城內西北

明洪武初建其歷年增修者弘治中知縣張濟嘉靖中徐州萬曆中

白夏順治十一年張自涵

堂東西二庫儀門外東寅賓館前土地祠西

倉獄後堂後為知縣衙東主簿衙今裁東南典史衙西吏舍

撫寧縣治在城內東北

明洪武七年建其歷年增修者成化中知縣姜鏞弘治中劉玉堂

東西二庫儀門外東土地祠西寅賓館後堂後為知縣衙

東主簿衙今裁前典史衙西吏廨前遮儀門為獄

昌黎縣治在城內西南

明正統中知縣王璽重建其歷年增修者弘治白純道嘉靖中文世

英萬曆中石之峯

堂東西二庫東幕廳西軍儲廳儀門外東土地

祠寅賓館西獄後堂後為知縣衙堂西縣丞衙今裁前典史

衙吏廨列堂左

灤州治在城內東街

明洪武初建其歷年增修者正統中知州劉弁成化中呂端弘治中呂鑑

嘉靖中陳士元

堂東幕西庫儀門外東寅賓館土地祠祠東北為

儀仗庫西為獄大門為譙樓穿堂後為知州衙後圍有山

麓有池有軒有亭堂東同知衙前吏目衙西判官衙今裁前

列吏舍

樂亭縣治在城內東南

明洪武三年知縣王文貴建其歷年增修者洪武中張似蘭劉晟永

樂中于繼賢成化中李瀚

堂東幕西庫儀門外東土地祠寅賓館西獄

後堂後為知縣衙東縣丞衙今裁前典史衙堂西南吏舍

州縣戒石儀門大門方位六房旌善申明二亭視府而制

有差其堂坊各有名名更不常並非定制不具

永平監軍兵備道在府治東南二百步

舊為南察院嘉靖四十年兵備溫景

葵拓而改之其歷年增修者隆慶中楊兆萬曆中孫應元葉夢熊成遜

堂西茶廳前為書吏

舍堂後為後堂西為住宅有花亭西有射圃亭儀門外東

土地祠西賓館大門外東中軍廳南府廳西州縣廳東西

有鼓角樓有坊各二

戶部分司在府治東北二百步永豐山嘉靖四十五年麓年建今廢

兵部分司在山海關

察院 府城三一在戶部分司東北一在望高樓前一在

東門內今廢灤州在治東 遷安二一在治北一在治東南

撫寧在治西 昌黎在治東北 樂亭在治西

巡撫公館在城外東南二里今廢出巡居察院

太僕公館在城外東南二里今廢州縣稱分寺遷安廢爲

南察院撫寧在治東北昌黎在治西灤州在察院東樂亭

在治西百步名雖存而皆爲上司公館

府館在盧龍縣左爲通判馬廳今館移駐山海關

府通判公署在山海關分司北

屬司 司獄司在府內 稅課司在府前街左譙樓前

巡檢司舊在樂亭縣西南三十里新橋海口萬曆四十三

年移榛子鎮 陰陽正術在府治東南 醫正科在府治

西 盧龍縣附 灤州陰陽典術醫典科並在治西 遷

安陰陽訓術在治南醫訓科在治西 撫寧並在治東

昌黎並在治北 樂亭陰陽在治南醫在治北 僧綱司

在府城南隆教寺 道紀司缺 灤州僧正司在城南廣

福寺道正司缺 遷安僧會司在城東宣覺寺道會司在

城東南昊天觀 撫寧僧會司在治南 昌黎僧會司在

治北崇興寺 樂亭僧會司在治南其道會司俱缺

各衛公署多廢不具山海衛改為制府今為 平西王府

武職公署舊志所載甚多各邊營路無處不有察院公館

今並廢錄其見存者

協標左營署 本營前朝時原係永鎮中營設副將一員舊

城東南隅順治六年定經制永平設立統轄副將一員標

下改設左右兩營守備二員永鎮中營改為協標左營順

治九年裁去山海副將其所轄東

協四路營衛地方歸併木協統理

協標右營署 本營前朝設永左營遊擊一員駐劄永平府

永平城守營遊擊六年改

為山海永協標右營守備

山海路 原設經理鎮總兵官一員順治七年裁後改設副

將一員順治六年

年改為都司

總兵署 今城守滿州 副將署 因副將 歸併永

平改為察院今頽壞 都司署 原係公署後察院往來官 員任歇今本路都司見住 察院二所

石門路 原設參將 今改都司 都司署 原係參 將署

義院口關 原設守備一員今照舊 添設石義中營副將 一員駐劄本關河口 添設花場峪營守備一

員駐劄花場峪正關 河口並順治六年裁

守備署 察院一所 花場峪守 備署

大毛山關 原設提調一員今改為操守 添設城子峪營遊擊一員駐劄正關河口順治六年裁

操守署

黃土嶺關 原設守備一員今改為操守 添設一片石營參將一員 添設黃土嶺營遊擊一員並順治

六年 裁

燕河路 原設參將一員中軍一員 順治六年改守備 守備署 原係參將署

臺頭營 原設副總兵一員中軍一員把總一員順治元年照舊六年改都司一員十三年改操守一員餘並

裁 操守署 原係副總兵署 把總署

界嶺口 原係守備一員順治六年改操守 操守署 原係守備署 副將署 前朝

原設燕界中協副將一員順治元年裁

青山口 原設守備一員順治六年改操守 操守署 原係守備署

建昌路 原設參將一員順治六年改都司 都司署 原係參將署 察院二所

車營都司署 原設都司 千總署

桃林口 原設守備一員順治六年改操守 操守署 原係守備署

劉家口 新設守備一員順治六年改操守 操守署 原係守備署

冷口關 原設守備一員順治六年改操守 操守署 原係守備署 副將署 原設

建冷中營副將一員順治六年裁

蒲河營 順治十三年新設 都司一員無署 南海口 順治十三年新設 守備一員無署

劉家墩營 順治十三年新設 守備一員無署 參將署 原係參將署 馬頭

營坐營官署

今並頽壞

教場 府城在漆河西里許 遷安在西門外 撫寧在

西門外 昌黎在城西南二里許 灤州在城西三里

樂亭在城北 山海在南門外

倉場 永豐倉在府治東里許大察院前 草場在東北

城下 山海倉在營西南草場在東南 石門倉在營西

北草場在東南 黃土嶺倉在營東北草場在西南 義

院口倉并輪石門黃土嶺 臺頭倉在營西北草場在左

界嶺倉在營南草場在前 燕河倉在營內道西草場

在城外西北 劉家營倉在營南草場在右 建昌倉在

營東北草場在東南 太平倉在營內山上草場在北

五重安倉在營西北草場在城外東北 漢兒莊倉在營

西南草場在城外東南 洪山口倉在營內西南草場在

東南 喜峯口倉在營東南草場在西 青山倉在營東

南草場在正北 三屯倉在營城西北角草場在大東門

外迤北 撫寧縣倉在縣西草場在衛署東

燕河太平漢兒界嶺劉家

山海石門倉屬府三屯屬遷安撫寧倉屬縣喜峯屬遵化縣

預備倉 盧龍在望高

樓下即東盈倉基 遷安在治內 撫寧在治西 昌黎

在治南五十步 灤州在治西北 樂亭在治東南 山

海在治西北隅其際留儒學驛遞養馬諸倉俱久廢濟軍

倉在各營不具 海運倉在府城察院後 社倉二一在

府治東北一在城隍廟西 義倉 撫寧在儒學東 昌

黎在治東北百步 山海在治西北隅

譙樓 府城鳴遠樓在府治東 鐘樓在兵備道左即舊

東門基洪武初建 撫寧在縣前今廢 昌黎鼓樓在治東

北鐘樓在東城上 灤州在治大門上 山海在城中心

驛遞 屬府者城南二里曰灤河驛東二里曰東關遞

運所今併于驛又東六十里曰蘆峰口驛在遷安縣西六

十里曰新店遞運所今併七家嶺驛 遷安縣七家嶺驛

舊在縣南五十里今移沙河灤陽馬驛舊在縣西北百六

十里今移三屯營 撫寧縣治東南為西關遞運所今并

蘆峰口驛東四十里為榆關馬驛有察院公館 山海城

西門外曰遷安馬驛屬永平府 衛治東北曰東門遞運所

公館 盧龍二一在三十五里雙望堡一在二十里安河

堡 遷安六一在灤陽驛二在七家嶺有察院一在東北

四十里孤莊一在東北七十里長嶺峯一在東北九十里

河南六寨 昌黎四一在城東百步曰昌黎館一在東二
十里張角莊一在西三十里兩家店一在西五十里靜安
堡 灤州二俱在西九十里榛子鎮 樂亭在城北團店
舖 盧龍縣曰府治南四十步爲總舖東十里國家舖又
八里第二舖又十里雙望舖又十二里至撫寧背陰舖自
總舖而西十里石梯子舖又十里自佛店舖又十二里安
河赤峯舖又十里至遷安色一山舖自總舖而南二十里周
王舖又十里至灤州劉各莊舖自總舖而西北十五里分
水嶺黑石舖又十五里至遷安沙河舖

遷安縣自治南十五步爲總舖南十五里沙河舖又十里
盧龍黑石舖自總舖而西南十八里有西徑可達七家嶺
又二十里黑崖子舖而分東西自東十里沙窩舖又十里
色山舖又十里至盧龍赤峯舖自西十里馬波舖又十里
岳榆舖又十里至灤州甸子舖自總舖而西北十五里龍
起舖又十五里金山院舖又二十里羅家屯舖又三十里
大寨舖又十五里舊城舖又十五里白廟舖又十里至灤
陽驛爲遵化界自總舖而西北百里遷陽舖又十里灰嶺
舖又十里孩兒舖凡一百二十里達古城驛出口外

撫寧縣自治東二十步爲總鋪東五里橫山鋪又十里白石鋪又十里馬坡鋪又十五里深河鋪又十里團山鋪又十里張果老鋪又十里豐臺鋪又十里紅花店鋪又十里遷安鎮出關自總鋪而西五里綠灣鋪又十里蘆峯口鋪又十里義院嶺背陰鋪又十里至盧龍雙望鋪

昌黎縣自治東十步爲總鋪西十里石垓子鋪又十里柳河鋪又十里梭頭灣鋪又十里營城鋪又十里訾家鋪通盧龍八里鋪自總鋪而東北張各莊有鋪廢外距撫寧紅花店鋪一百二十里

灤州自治東二十五步爲總鋪南十里大柳鋪又十里馬城鋪又十里長寧鋪過此爲樂亭界自總鋪而北十里劉家莊鋪過爲盧龍界自總鋪而西北七十里甸子鋪又十里叻牛橋鋪又十里榛子鎮鋪又十里狼窩鋪又十里鐵城坎鋪凡一百十里爲豐潤界有公館與縣共之外距撫寧地馬坡深河二鋪百三四十里

樂亭縣自治西十步爲總鋪西北十里曹家莊鋪又二十里定流河鋪過縣界凡六十里至灤州東北距撫寧地團山鋪百里

學宮

夫魯作泮宮詩人致頌王澤衰缺子衿刺焉是治亂
本關於庠序者非淺鮮也自道隆之世雖偏方下邑
五乘之都百家之社莫不有學而未乃陵夷不振絃
誦聲微戈鋌運棘曷怪乎髦士難成而上理未臻也
永平地屬 京畿學兼府衛而久未修葺堂序傾
頽余丙辰來守此邦亟率郡邑畢力以建府學武學
廟貌宮牆一新奎樓蜡廟龍神祠皆爲修舉至於舊
日學田多遭圈占祭器書籍一切無存自余至此禮

容樂舞稍稍肄習而時詘費繁期賒代迫所望後之君子述子遊盛心追文翁雅化使黃山濡水之間復見科名文物之盛豈非是邦之幸也夫

府儒學在治北一百五十步

舊志云創建年月莫考其歷年增修者元延祐中總管府

達魯花赤也孫禿至正中總管賈惟貞明正統中知府李文定天順中周晟成化中王璽王問弘治中吳傑正德中何詔唐夔嘉靖中李遜隆慶中兵備沈應乾知府劉庠萬曆中兵備宋守約徐準知府辛應乾張世烈順治中兵備副使宋琬知府楊呈彩明倫堂兩序東西齋前儀門大門康熙中知府事常文魁

外東西二坊後堂兩楹為號舍又後教授宅堂左三訓導先師廟在明倫堂西兩廡前露臺戟門左右祠名宦鄉賢

前泮橋前櫺星門廟後東啟聖祠西敬一亭射圃在廟西

大清康熙中知府事常文魁重修先師正殿其泮橋新易以石橋左右增碑亭二櫺星坊前增周匝石柵及禮門義路二石坊明倫堂左右新添神庫神厨上房共六間又重修東西齋房新栽松柏百株培廕風水又於學前創修書院二十七間堂廊號舍曲折盡制宛若儷景

盧龍縣儒學在縣治南

明洪武二年知縣胡昂建其歷年增修者景泰中胡宗天順中教諭

李倫成化中徐潤訓導王論郭淳弘治中知縣李景華吳杲嘉靖中同知張守知縣吳道南楊保慶兵備沈應乾萬曆中知縣潘愚兵備葉夢熊知府孫維城推官沈之陞知縣王袞大清順治中梁應元趙汲康熙中知縣閔峻呂憲武教諭明倫堂左饌廳右學倉堂後教諭宅左訓導宅右朱持正

先師廟在明倫堂東戟門左右祠名宦鄉賢廟後敬一亭

亭西啟聖祠

遷安縣儒學在治東

明洪武二年知縣蕭願建其歷年增修者永樂中知縣那冕宣德中巡按

御史余思寬正統中知縣商輅景泰中費永寧成化中教諭胡憲嘉靖中都御史孟春知縣温志敏陳策王錫常文英羅鳳翔萬曆中王淑民申安馮露張鑑張廷拱崇禎中任明道大清康熙中知縣王永命張一鶚訓導馮堯年

明倫堂西南教諭宅前後訓導宅前左為學門

先師廟在明倫堂前啟聖祠堂東戟門兩楹祀名宦鄉賢

撫寧縣儒學在治東南

明洪武十一年建其歷年增修者成化中知縣姜鎬弘治中劉玉嘉

靖中葉宗蔭通判李世相萬曆中知縣張翼訓徐汝孝大清康熙中知縣王文衡訓導劉三德明倫堂後

敬一亭又後為教諭宅東西訓導宅

先師廟在明倫堂東啟聖祠在廟左戟門兩楹祀名宦鄉

賢

昌黎縣儒學在治西南

創建年月無考元大德四年縣尹劉懋修明永樂十五年知縣楊禧

重建其歷年增修者弘治中殷玘嘉靖中胡溪闢鳳楚孔生萬曆中孟秋吳望岱徐汝孝石之峯楊于陞今推官劉增知縣宋薦教諭吳鳳起孫兆禎訓導王渠明倫堂兩齋後號房堂後為敬一

亭右教諭宅左訓導宅

先師廟在明倫堂東戟門左右名宦鄉賢祠東為啟聖祠

灤州儒學在治西

遼清寧五年建明洪武四年知州李益謙重建其歷年增修者洪武中劉政永

樂中譚輝正統中劉弁陶安天順中鄭鶴成化中楊鶴弘治中呂鑑汪曉正德中陳溥高堂嘉靖中張士儼陳士元

通判陳大為隆慶中推官
陳訓萬曆中知州鄭琬
明倫堂兩齋東出為居仁門西

出為由義門又前東西儒學二門堂後敬一亭西名宦鄉

賢祠祠前三訓導宅堂東教諭宅

先師廟在明倫堂前啟聖祠堂左

樂亭縣儒學在治西
金天會中邑人進士李杭建其歷年增修縣令韓景邑人鮮于仲權元至

元縣尹柴本立明洪武中知縣王文貴天順中董昱成化中王弼李澣弘治中郝本田登萬曆中林景柱天啟中劉

檄明倫堂後為敬一亭左右為教諭訓導宅儀門內號舍

先師廟在明倫堂右啟聖祠在廟左戟門東西名宦鄉賢

祠

山海衛儒學在衛治西
明正統元年建其歷年增修者正統中指揮王整教授張恭天順中

指揮劉綱成化中主事尚綱嘉靖中黃景夔鄒閱萬曆中孟秋任天祚遵化巡撫李順崇禎中山永巡撫朱國棟關

內道范明倫堂東齋曰文成西齋曰武備堂後敬一亭東

教諭宅前訓導宅西為學門門內道左為號舍

先師廟在明倫堂前啟聖祠在敬一亭後戟門東西祠名

宦鄉賢左為更衣亭右神厨前櫺星門

凡明倫堂有兩齋齋名有同異非通制山海以文武獨異

具之堂直為儀門大門制同灤州遷安前廟後堂異其門

不同廟臺戟門前泮橋櫺星門並如府制有差不具若神

庫神厨宰牲房饌堂號房耳房射圃舊志無方位今亦多廢矣

學田 盧龍一段一項九十九畝 知府高邦佐捐俸置 一段一項六

十畝 郡人御史韓應庚置 一段六十一畝 遷安五段共二項零六

畝 撫寧共四項三十一畝一分二厘 昌黎撥補無存

灤州圈占後退出三十五畝 樂亭圈占撥補無存 舊志

嘉靖元年山海主事黃景夔給學田四千九百五畝五年主事馬敬增山海學田嘉靖十三年主事葛守禮給助鄉飲公費田一千二百二十四畝七分三厘二十六年灤州知州陳士元給州學田三頃六十畝 山石道志本學廩出初為關東瞭望地居民私墾為業不知有賦役及後中官守關括租入私橐民弗堪命主事黃景夔至驗衛學乏

廩稽地歸官為生廩餼後主事馬敬續墾得地六千二百八十九畝二分得米一百五石三斗廩生月增八斗矣嘉靖十三年主事葛守禮復藉墾近郭閑田徵其租而廩生直增一石然時列優等者僅十二人耳萬曆三年主事裴賜悉加丈量共計地一萬六千九百一十四畝四分三厘一毫五絲共徵米二百一十一石九斗六升五合九勺七抄八撮自後續墾者不無告增而荒塌者時復告減前丈之數漸不免參差作弊萬曆二十四年主事張時顯各將任內舊管新收開除實在米數清筭造冊以便察覈徵收現新舊各冊總封貯笥中倘去此藉則委官得以上下其手奸佃得以乾沒其額如近日欺隱之弊至三年莫覺者又當不旋踵矣故識于此以告來者此係關部支給廩生學院按院不入察盤詳見碑記

社學 府社學在城隍廟西 明成化九年知府王璽建弘治中吳傑修 盧龍

在縣治南關廂街西 隆慶二年知府劉庠建萬曆十二年知縣楊時譽修 遷安在

治西二十步弘治十一年知縣張濟建撫寧在治南 昌黎在治北

灤州在養正巷 樂亭缺 山海在城東南隅弘治十四年王

事徐朴建

書院 孤竹書院在府城東北隅望高樓下今廢 北平書

院在府學南盧龍縣舊基隆慶六年知府辛應乾建 橫渠書院在灤州西

關嘉靖八年知州趙葉建 育賢書院在榛子鎮隆慶四年推官辛如金建

武學在府治南舊守備廳地隆慶六年知府辛應乾改建

三屯營文廟在城內西北隅

遼學附府學內順治二年因遼生流散關內題設至順治十二年經奉天設學裁官併府學代理

風雨其用也前代或祀甲于春秋乙于冬夏今日拜丙

于西郊明日拜丁于北鄙此皆不能調和陰陽知形氣

合一之道也惟國初太歲風雲雷雨及嶽瀆山川城隍

諸神止合祭于城南未有壇壝專祀二年正月戊申命

禮官議以風雲雷雨師諸天神為一壇山川城隍諸地

祇為一壇三年二月甲子命仍合祀之不用石主如祭

社稷祭器牲幣加社稷一壇改望瘞為望燎示尊于社

稷也且慮幽明路異而神鬼難合故又以城隍合祭之

風雲雷雨中山川左城隍右時定仲春上巳壇則定于

南郊是謂神祇之壇而尊于諸神祇也

風雲雷雨山川壇 府在城南三里南山之麓 盧龍附

府 遷安在城西南一里 撫寧在城南門外 昌黎在

城南一里 灤州在城南六里 樂亭在城南八十步

山海衛在城南一里

郭造卿曰社土神稷穀神自三代禮不同漢唐則益異矣諸儒以勾龍后稷爲配而又以爲非配卽祀相承不知其失禮聖祖特王孝經說以社五土主稷五穀主皆自然之氣而非人爲也然廣土諸穀不能徧祀故合土

以爲社推長以尊稷祭以春秋上戊日戊主土壇于西郊以取西成稷左社右元年十二月巳丑令府州縣各設壇壝制壇定式而庶人亦祭里社土穀此謂天下之達義

社稷壇、府在城南二里 盧龍附府 遷安在城西北

一里 撫寧在西門外 昌黎在城西一里 灤州在城

西一里 樂亭在城西 山海在城西二里

郭造卿曰厲鬼災也春秋傳鬼有所歸乃不爲厲祭法王有泰厲諸侯有公厲大夫有族厲今府州職大夫康

成云族衆也大夫衆多其鬼無後者衆故曰族厲自三代後或棄不用用亦不詳洪武三年十二月戊辰命京都王國府州縣於城北郊各立厲壇頒厲祭文及告城隍文與壇式於天下每歲三祭春清明秋孟望冬孟朔王祭內京尹外守令先期牒城隍神祀日以爲王祭餘羹飯則散諸民之無告者其哀死亾卹無後至矣又令鄉村開百戶內立一壇祀土穀神歲一戶爲會首春秋二社率錢備少牢祭畢行會飲禮會中一人讀抑強扶弱之誓又立一壇祭無祀鬼神歲亦三祭祭用牲酒會

飲讀誓如祭社自古祭禮之下及于民孰有叨備乎今日哉

厲壇 府在城北半里 盧龍附府 遷安在城北百步

撫寧在城北 昌黎在城北百步 灤州在城北一里

樂亭在城北百步 山海在城西北

壇自初設後正統十二年盧龍知縣胡琮重建成化六年

知府王璽弘治十四年知府吳傑修之

神祇橫五十四步直三十三步社稷

橫五十五步直步如神祇郡厲橫四十步直三十六步其齋宿神庫神厨宰牲房各三間洗牲池一所此十四年志也 灤州神祇社稷各直八十步橫六十四步厲直如南壇橫五十五步墻三壇各高八尺柵門厲南面一門樓二

座其二壇四方柵各四其厠宰齋房各三間 樂亭神祇
周七畝二分直十九步橫三十七步社稷周八畝直三十
五步橫十五步厲周三畝四分直橫各三十步神祇齋房
牲房各三間存其二厲惟省牲房並廢此嘉靖八年志也
至二十五年志則盡廢矣各縣步不
具其房庫或有或無而廢者多矣

隆慶五年知府辛應乾改移社稷郡厲壇

神祇仍舊以社稷在城西三里

阻河命知縣楊舜臣改城南二里以郡厲在城北四里濱
河命知縣潘愚改北門外半里萬曆元年撫寧知縣張彞
訓昌黎知縣孟秋各築三壇墻其厠宰齋房久廢矣十年
遷安知縣白夏志神祇社稷壇厠宰齋宿房各三間僅門
一座厲惟厠三間
及廳一座胥廢

郭造卿曰鄉社鄉厲各縣廢之久矣嘉靖二十八年遷

安知縣韋文英令各社里老爲壇給以祭文授以聖訓

祭畢宣諭遵行數年尋遷而禮廢矣邑人訓導王衡謂
近日鄉人有爲社會者春秋社日會衆爲壇祭之有合
古禮且遵時制惜乎莫之行也

郭造卿曰聖朝祀典城隍視前代獨隆專祀以廟宇陪
祀于山川主祀乎厲祭設神與設官等洪武三年六月
戊寅詔天下府州縣立廟民俗修祀毋敢弛焉爲其能
禍福也

城隍廟 府在治東南三百步 盧龍附府 遷安在治

西五十步 撫寧在治東南 衛城隍廟在縣治西 昌

黎在治北 灤州在治西 樂亭在治西南 山海在城西北隅 三屯營在鎮府西街北

郭造卿曰旗纛廟古類禡之遺也祭始造兵法者不必指爲蚩尤矣本黃帝軍訣牙旗者將軍之精一軍之形候凡始豎牙必祭以剛日纛旗頭太白陰經大將軍中營建纛天子六軍故六以犛牛尾爲之在左駢馬首自秦漢至宋元皆祭洪武元年十二月己丑命衛所立旗纛廟于公署後制與社稷同班重之也其祭祠取坤方其人軍旅其品同社稷其時用霜降而以皂纛稱首北方肅殺之色也

旗纛廟各衛所皆有之今多廢于演武場祭惟昌黎有廟在治西北 山海在衛治東 三屯營在演武場後 海神廟在山海關南海口

郭造卿曰按元前之鬼神皆有封爵贈謚至聖祖詔革一洗千古謬戾可爲萬世法矣今孤竹廟額從維新之典而其謚號仍宋元之封豈所以崇祖詔而重清風也哉夷齊旣爲百世師則祠視先師孔子等矣古事先師不追謚不贈爵不設像敬之至也諸侯薨天子論行以

易名孔子卒魯哀誅之子貢以爲非禮而追謚其可哉
王公太師皆漢後所贈前此未之有其曷贈於失國祭
有主有尸釋奠先師有主而無尸况像以夷俗謂其如
在是耶非耶嘉靖釐祀典於孔廟正位號華爵謚塑像
而別祠啓聖今孤竹君有別祠矣但夷齊廟位號未正
爵謚塑像未除是前守知重先正而尚未達于禮也當
大禮旣議後永平守臣宜請從孔廟例木主稱逸民先
聖伯子逸民先賢叔子而孤竹君廟當稱曰啟仁不然
何以祀焉乃復仍固陋有司之責也倘請于禮官何執
而不從乎余未謝博士業至祠而拜二子矣擬草正祀
疏倘一命卽上之今隱而言知者以爲爲禮不知者之
謂何然往返孤竹屢拜裴徊一而不安若有負于二子焉
茲秉志筆亦簿正也

清節廟舊址無考明洪武九年同知梅珪移建于府城內
東北隅景泰五年知府張茂復建于孤竹故城在府城西
二十里 國朝康熙四年知府彭士聖重脩昌黎別有廟
在北城上

孤竹君祠在廟北隔河之滸嘉靖四十二年兵備溫景葵

建以L俱在祀典其土神附府州
縣獄神附獄倉神附倉不具

郭造卿曰邊方用馬其神亦正典也洪武二年正月癸丑命祀馬祖之神築壇于後湖今不但邊衛營寨而府州縣皆有之典命太僕寺祭故有分司則有之今寺廢而司存有司多不舉民間猶未嘗廢焉古四時祭今惟春秋古神曰馬祖曰先牧曰馬社曰馬步而司馬其總也今制稱司馬馬祖先牧神廟境內只土木偶槩曰馬神而已其稱皆不合典

馬神廟

府在城南二里隆教寺西

遷安在城東南隅

撫寧在治東

昌黎在治西

灤州在治東

樂亭在

城北

山海在演武場左

三屯營在旗纛廟西

郭造卿曰古禁原蠶說者以先蠶卽辰宮天駟之神也辰宮旣爲馬爲蠶同宮莫能兩大故禁其原而蠶馬則皆有祠焉或謂非天駟之神乃始養蠶之主則何所姓名以安神位今俗稱蠶姑者卽古禮之先蠶也祀典自嘉靖九年祭先蠶未嘗令天下通祀今有舉而莫廢者在郡南州縣多務桑而有蠶姑祠猶北邊關尚馬而多馬神廟也諸縣亦有之各志不爲具

蠶姑廟

遷安在治西十五里

灤州二一在城南十五

里麻北莊一在城西七十里赤堠社

郭造卿曰龍興雲致雨山川居之神化無方易位九五非民間所當祭故歷代不詳其典今惟京都命祭乃天下在在有之因潭禱雨而靈之也在典不禁境內尤多焉

龍神廟 府在城南十里灤河中流萬曆十五年遷安在

黃臺山 撫寧在西郭外 昌黎二一在龍潭一在蓮池

灤州在城西 山海在城內它縣多有之而各志不詳其有靈勝者列之

川

郭造卿曰元通海運祀天妃今永樂五年特建宮于龍江開元海濱所祀未嘗禁之也郡灤濱海當通海運尤多舊志具之俗稱聖母廟

天妃宮 灤州在治西門外 遷安在治北 山海二一

在南海口關一在城西北

郭造卿曰北極佑聖宮即南京真武廟也每歲元旦三月三日九月九日遣太常卿行禮開國靖難神多效靈故祀永平在靖難先諸郡郊順其時封拜尤多故奉其祠者衆本道家之說于位在北于卦為坎故為玄武配

在翼軫奠于武當郡雖不可以旅久矣本載祀典在今所未嘗禁者

○真武廟 府城在鍾樓上 遷安三一在東門內一在北關外一在西北五里 撫寧在治西北 昌黎二一在治北一在北城上 灤州在治北 樂亭在玉皇閣下

郭造卿曰泰山廟洪武三年春秋合祀于山川壇二十一年後春附祭于郊秋祭仍舊今罷每歲三月二十八日遣太常寺祭本道家言泰山群山之祖五岳之宗天帝之孫神靈之府神莫泰安豈得而旅自歷代封禪瀆封民之誥褻尤甚止之不能誅之不勝況在令典不禁而邊尤資香錢故四方皆若狂有司從之矣

○東嶽廟 府在東郭外 遷安在城北 撫寧在東郭外 昌黎在城西北 灤州四一在城西北二里岡上一在城西關半里一在偏山一在開平城東關 樂亭在東關山海在東門外

○碧霞元君廟 府在城東南二里 遷安二一在北斜關外一在景忠山 撫寧在西郭外 灤州在城西 樂亭在城西

元史元貞元年初命郡縣通祀三皇如宣聖釋奠禮大
皐伏羲氏以勾芒氏之神配炎帝神農氏以祝融氏之
神配軒轅黃帝氏以風后氏力牧氏之神配黃帝臣俞
跗以下十人姓名載於醫書者從祀兩廡有司歲春秋
二季行事而以醫師主之

許莊議曰巫醫兼稱聖教所不廢况醫切民命在中原
南上業之者多郡仍北俗雖近醫院而名聖最少民疾
不知服藥但信巫覡及禱淫神而至傷生者多此學所
當興使民知醫而安全之皆王政也今民所祀藥王卽

先醫或有三皇祠而稱之爲醫王此皆未示以禮小民
不知冒禁耳按洪武元年令郡縣訪應祀神祇凡有功
于國惠愛及民者奏著祀典二年令有司祠祀典神祇
有不在祀典而嘗有功德于民者卽不祭存其祠則凡
以醫稱祀者非有功德于民乎國令旣存其祠則非淫
祀者比矣四年令天下罷三皇以名分非民所得祀且
因民瀆以藥王非所以尊敬之也今宜明正其廟而名
之曰先醫愈於謠無徵之鬼神矣

三皇廟

府在治北

俗訛爲藥王廟

遷安在西甕城

昌黎二

一在城東一在仙臺山 灤州在城北二里 樂亭在東
關 山海在月城 撫寧在北關

郭造卿曰漢前將軍漢壽亭侯關公廟洪武二十七年
祀于鷄鳴山每歲四孟及歲暮遣府官祭五月十三日

以侯生辰又遣太常寺祭初雖革義勇武安王封而稱
壽亭侯嘉靖十年南京太常卿黃芳改今稱自京師達

四方祀之蓋亦太瀆矣而邊方尤甚 萬曆中勅封三界
伏魔大帝神威遠

鎮天尊關
聖帝君

關帝廟 府二一在縣治東一在南甕城 遷安三一在

南門外一在北甕城一在三屯營 其它在邊
關者不列 撫寧二一

在治西一在石門路 昌黎二一在治西一在城東 灤

州在南街 樂亭在北門外 其在關廟屯社者
各州縣多有不列 山海在

城東二里

郭造卿曰蜡祭雖為民而報神亦因神以樂人也其典

歷代相承不廢我朝何獨闕此哉是神與社稷相終始

春秋里社皆得祭土穀而復此則疑乎瀆矣然有大社

大稷耕籍復祭先農則俗有蜡法所不禁也 又曰古

民飲于鄉而又于蜡雖一國皆若狂而孔子不以為非

民竭三時力而盡一日歡也自漢唐後則禁酒賜餉乃
品節而錫賚之耳今令甲鄉飲禮舉于有司民非有德
不與亦有良善不得舉者多聚于神壇社廟爲會會醜
金爲脩理社廟及橋道需持齋者多聚飲者少蓋生民
之樂樂不如太古遠有司且因聚衆恐如黃巾白蓮而
禁之禁之誠是也當察其實否耳然每會之贖金幾何
旣非祭典有司不爲興而富厚者多齎孰爲社困舉哉
嘉靖二十年山海關主事王應期行之有司能倣其意
度荒田而付之墾蠲其賦役之征以備蜡會之澤則地

旣不棄而人神胥悅也

八蜡廟 府在東南一里 遷安在北門外一里 撫寧

在縣北 昌黎在城西南 灤州在治東 樂亭在西關

山海在城外

郭造卿曰熒惑火星也其祥異有賦熒惑主罰于時爲
夏色青而變者暴風損禾色白而昧者苦雨傷稼黑則
雹凍變生赤則曦暉施化蓋不但司火民社所以有廟
也爾雅曰法祭曰幽禋發星註禋者星壇也以昏見夜
出故曰幽星祠歷代有之與群星共祀獨郊祀大典唐

太宗夏祀赤帝熒惑星于南方三辰七宿從祀則今境內之廟自唐末有之矣蓋青龍天妃以水而鎮以玄武東嶽以木德王旗纛爲金德主城隍及土地祠以土皆佐社稷山川之祭民非火不饗改火之政不行及其爲災尤烈至旱魃爲虐民祭之詳豈可缺此但廟而不壇其俗久矣

○**火星廟** 府二一在治北一在教場左 遷安在南門內

撫寧在治西南 **昌黎**在治東北 **灤州**在治南 **樂**

亭在治北 **山海**在治北

郭造卿曰文昌星出於搜神記則不經且其踪在梓潼唐玄僖播遷時封順濟王歷代累加聖號爲帝君我朝

亦弗禁士子多祠之學宮

其所傳書數種有運玄書有救劫章有大洞蘇嘉靖中督

學以其經有地獄輪迴之說爲妖惑有金丹燒煉之法爲邪術有統仙班證佛果之聖號爲異端多欲毀其廟者或移其像于學外議者以蓋宮金蓮未必真要之亦可使人爲善泥犁都未必真要之亦可使人去惡况統仙證佛之說出自後人觀其自言吾十七世爲士夫未嘗虐民酷吏周急濟急容過憫孤一心如此聽命于天雖未必真聞其言亦可以感矣竟未毀近督學又崇祀之士論益不可破矣但宜移之外使帝君之自尊不可以恩學官而使恠異之不別也

文昌祠 府在東門內 遷安在治東 撫寧在學東

昌黎在沿北 灤州在月城內 樂亭在學前 山海在

文廟右

玉皇廟 府在城南一里 撫寧在治西南 昌黎二一

在仙臺頂一在西關 灤州在城東 樂亭在城正中

山海在西關

奎星閣 府在南城上 撫寧在文廟前 諸縣皆然不具載

增福廟 撫寧在治西南 昌黎在城南 樂亭在東關

十王廟 樂亭在城西北二里

三官廟 府在北郭外 撫寧在治東南 昌黎在城西

出上 樂亭二一在城南一在城北 山海在城南

天仙廟 昌黎二一在仙臺山一在城東北

二郎廟 遷安在東甕城 昌黎在治西北 灤州在城

北

玄壇廟 府在城東街

二聖廟 遷安在縣北二里

小聖廟 府在南郭外

三義廟 府在城北一里 遷安在城北四里

李將軍廟在府南八里祀漢太守李廣

三忠祠在遷安縣景忠山祀漢諸葛忠武侯宋岳武穆王
文信國公

李臨淮祠在昌黎縣西城上祀唐司徒李光弼

韓文公祠在昌黎縣北祀唐吏部侍郎韓愈

八仙廟在昌黎仙臺山

張仙廟在樂亭東月城內

韓湘子祠在昌黎西山下

姜將軍廟在灤州西唐山麓碑云將軍仕後唐清泰間鎮

碣石之石城時有蛟爲民害將軍斬之入懷其惠立廟祀

焉此地自後唐天成初已屬契丹安得清泰間乃屬于唐
乎此碑記之不可信者也

顯功廟在山海城內西北祀中山武寧王徐達

崇報祠在三屯營新鍾樓東祀總理戚繼光

馬公祠在景忠山下祀總兵馬永

表忠祠在武學右

祀崇禎庚午
死難諸人

忠烈祠在建昌營西北祀陣亡副總兵蔣承勛

貞女祠在山海東關外十三里望夫石之顛

勸義祠在山海西關外祀陣亡叅將張世忠

○ 褒忠祠在山海西關石河西廢今

○ 二李公祠在樂亭北月城內祀知縣李瀚李邦佐廢今

○ 陳公祠在昌黎城外祀知縣陳良輔

○ 孟公祠在陳公祠左祀知縣孟秋

○ 吳公祠在昌黎縣東北祀知縣吳應選

○ 楊公祠在昌黎縣東祀知縣楊于陞

○ 李布政祠在府東北祀李公允濁

○ 韓御史祠在府東郭外祀韓公應庚

○ 吳王祠二一在府西十五里一在山海關東門內祀平西

王吳襄

○ 忠義祠在昌黎縣北郭祀守城死難者四十人崇禎中巡

撫楊嗣昌疏建

○ 拽梯即君祠在昌黎縣東月城以拽梯全城巡撫楊嗣昌

疏建

○ 清節廟香火地

按夷齊舊志載明成化九年知府王璽脩廟落成廟有餘地數百畝給居民侯玉等

種之歲入租以供祭祀嘉靖二十六年知府張玘脩廟玘為錄引云匝樹松楸廣購祠田今稽地一項五十六畝坐

洞山東命守者佃之歲入銀三兩有奇于盧龍縣供歲祭入穀二十石有奇貯預備倉為脩理費此舊志斷簡存者

廟基與各地無細數入國朝康熙四年本府見廟宇盡圯重新脩建隨行盧龍縣清丈逐段詳開四至造冊廟城

內東地二十二畝西地六畝五分城外地二十四段共地
七十七畝五分六釐又地十五段共地三十二畝七分三
釐七毫又廟西南地六段共地一項二十畝四分四釐係
清石謨退出又廟西南地二段共地一項一十二畝七釐
以上地俱砂薄又離廟八里坐落何家莊地六段共地一
項五十六畝唯此地膏腴除城內地外腴薄通共地四項
九十八畝八分七毫其薄地向皆守廟人承種未經取租
唯腴地歲徵柴價銀三兩一錢二分歲徵穀二十一石有
司積貯多別用支銷竟無補于脩理洵名美而實不可循
者也今改擇僧居守前地盡歸住僧承種薄者不計其租
腴者倍益其穫住持可以脩腹存立木石量不至風雨飄
搖校于空存脩費者或勝矣春秋兩祭牲醴每祭需用一
豕一羊糝盛餼核數器併香燭焚帛等物即着僧依期出
備請官往祀永著爲例其柴價租穀不必徵于有司又有
經承一番除扣虛糜也地數有籍可杜侵佔廟宇百年興
廢則俟後之君子留意焉

惠政

昔三王之治天下也先成民而後致力于神有城以
保民有廨以居官有學以造士于是則神可得而款
矣猶未也念民之病涉也爲之橋爲之渡以濟之其
生而無食死而無葬也爲之院以居之園以葬之其
疾病而無醫也爲之局以施之仁哉

聖王之制乎雖天下之所同而永平居畿甸之東其首被
者矣列之以終建置之事

橋 府城三一在北門大街一在新城街一在下水關

南關一曰永濟石橋城西一里曰漆河十里曰灤河夏秋

以舟渡冬作橋

舊志漆河在府城西一里俗呼小河橋春夏濟以舟楫秋冬架木上實土可通輿馬

灤河橋在西十里俗呼大河橋奔湍漫漚比小河不啻十七八舊二河與灤澈河共船二十每船夫十二名名銀十二兩及歲造兩河梁費不貲多侵牟科擾州縣病之弘治十年知府吳傑革半推官周瑄督之夏初防潦撤之椿儲于官菊稽散舊易新備用民不擾而事集按一統志灤陽橋在府城西南十七里即大河橋也府志灤陽橋即澈河

橋互異

遷安縣西南三里黃臺山下曰黃臺東三里曰三

里東南十里曰十里百七十里曰清河東北七十里曰青

龍西北九十里曰大寨百五十里曰灤陽西百二十里曰

舊城浮橋 撫寧陽河上有橋七水至則撤縣東三里曰

鍾家莊二十里曰渝河六十里曰海洋北三里曰李官營

石橋七里曰程家莊舊縣北二里曰棲霞 昌黎南八里

曰虹橋西八里曰石橋二十里曰柳河三十里曰梭灣西

南五十里曰槐家店曰獅子 灤州南門外曰石橋五里

曰巖山八里曰八里二十五里曰御駕二十七里曰龍塘

三十里曰波落三十五里曰清水河五十里曰榆關曰歇

駕六十里曰通津九十里曰公安曰磚窰店西南八里曰

八里二十五里曰沂河九十里曰大海一百里曰龍堂西

六十五里曰石牛八十里曰蔡家曰雙橋曰牯牛八十五

曰馬家一百里曰唐山西北九十里曰榛子鎮鎮東西
曰東五里曰西五里 樂亭北門外曰迎恩六里曰商家
社西三十里曰清河南三十五里曰解家 山海儒學前
曰文明鐘鼓樓北曰大明西關曰卧牛西二里曰石河南
門外曰探海羅城曰咽喉東門外曰登仙
渡 府西門外曰漆河十里曰石梯子南十里曰虎頭石
二十里曰于家河東北三十里曰念經河 遷安縣南十
五里曰瓜村西北七十里曰稔子口 昌黎西七十里曰

灤河

灤州東四里曰白石店北五里曰偏涼汀七里曰

橫河夏渡東南二十八里曰甯家莊南二十里曰馬城九
十里曰邊落灣 樂亭南十八里曰李家莊三十里曰陳
家渡西南十二里曰馬家莊西北十五里曰楊家莊二十
里曰淀流河北十里曰明佛陀

隄 在府城西門外元史大德五年平灤路言六月九日
霖雨至十五日夜灤河與肥如三河並溢衝圯城東西二
處舊護城隄東西南三面城牆橫流入城漂郭外三關瀕
河及在城官民屋廬糧物沒田苗溺人畜死者甚衆而雨
不止至二十四日夜灤漆肥如諸河水復漲入城餘屋

蕩殆盡乃委吏部馬員外同都水監官修之東西二隄

計用工三十一萬一千五十以後累代修築

弘治中知府吳傑萬曆中

副使葉夢熊重修今

副使宋琬方議興工

養濟院、盧龍在城南二里、遷安在城東南一里、撫

寧昌黎灤州並在城東南隅、樂亭山海並在北門外

惠民藥局、州縣並稱無址可考惟樂亭在治西北

漏澤園、盧龍在縣東五里周三里、遷安在縣東南一

里周十畝、撫寧在縣北一里周四畝、昌黎在縣西一

里周三畝、灤州在城東北一里、樂亭在縣西北



山

